

**Nunap immikkoortuini mittarfinnik tulleriiaarinissamut tunngavissat pillugit
Inatsisartut aalajangiiffigisassaattut siunnersuut
*Ineqarnermut Attaveqarnermullu Naalakkersuisumit saqqummiunneqartoq***

pillugu

Sanaartornermut Ataatsimiititaliap

siunnersuutip aappassaaneernejarneranut

ISUMALIUTISSIISSUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia
Inatsisartunut ilaasortaq Erik Jensen, Siumut
Inatsisartunut ilaasortaq Pele Broberg, Partii Naleraq
Inatsisartunut ilaasortaq Nikkulaat Jeremiassen, Siumut

UKA 2020-imi ulloq 13. oktober 2020 siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Kalaallit Nunaanni nunap immikkoortuini mittarfinnut tunngatillugu pingaarnersiuiinnermi tunngavissatut siunnersuutitut Inatsisartut isummerfiginninnissaat aalajangiiffigisassatut siunnersuummut taasissutissami pineqarpoq. Taamaattorli tunuliaqutit pillugit nassuiaammik siunnersuut ilaqartinneqarpoq, taanna malillugu tunngavissat siunnersuutigineqartut qulaajaavigineqarnissaat kissaatigineqartut isummerfigineqarnissaat kisimi pineqarani aammattaarli sanaartugassatut suliniutigineqarsinnaasut taaneqartut isummerfigineqarnissaat pingaarnersiorneqarnissaallu pineqarsorinarpoq.

2. Ataatsimiititaliap siunnersuummik suliarinninnera

Qulequtaq oqaluserineqartoq siullermeerinninnermi assut soqutigineqartoq aammalu nunap immikkoortuini sorlarni mittarfiliortoqartariaqarnerata oqallisigineqarneranik inersuarmi oqallinneq sunnersimaneqartoq ataatsimiititaliamit maluginiarneqarpoq.

Taamaattoq siunnersuutip taasissutiginnissaanut nunap immikkoortuini mittarfinnut pingaarnersiuiinnermi suut tunngavigineqarnersut allassimasoqanngitsoq ataatsimiititaliamit maluginiarneqarpoq. Taamaasilluni siunnersuutigineqartumut tunuliaqutaasoq pillugu

nassuiaammi tullerriiarinerni taaneqartuni tunngavilersuutit pingasut pineqartut ataatsimiititaliamit inerniliunneqarpoq:

1. Akilersinnaassuseq
2. Angallannikkut aaqqissuussaannerup pitsanngornissaanut tapertaaneq
3. Tullerriiaraluni sanaartorsinnaaneq

2.1 Akilersinnaassuseq, angallannikkut aaqqissuussaannermik pitsanngortitsineq aamma tullerriiaraluni sanaartorneq

Siunnersuutip suliarinerani akilersinnaassutsimut imaluunniit angallasseriaatsip aaqqissuussaannerata pitsaanerulersinneqarnissaanut aalajangersimasumik piumasaqaatit suut nalilersuutigineqarsinnaanerata ersarluttoq ataatsimiititaliaq isumaqarpoq.

Akilersinnaassuseq pillugu siunnersuummut tunngavilersuutini Naalakkersuisut allapput:

”Aningaasaliinermi siunissami ungasinnerusumi aarlerinangitsumik isumannaassuseqarnissaq, annerpaamik iluanaaruteqarnissaq, inuiaqatigiillu aningaasaqarnerinut pitsaanerpaamik sunniuteqartitsinissaq anguniarlugit mittarfiit inuiaqatigiit aningaasaqarnerinut pitsaasumik sunniuteqartussat salliunneqassasut, aalajangiiffigisassatut siunnersuutitigut anguniarneqarpoq”

(Ataatsimiititaliap erseqqissaanera)

Angallannikkut aaqqissuussaannermik pitsanngorsaaneq pillugu siunnersuummut tunngavilersuutini allassimavoq:

”Tamatuma saniatigut ataatsimut isigalugu angalasut, timmisartuutileqatigiit oqartussallu aningaasartuutigisartagaat annikillisillugit angallasseriaatsip aaqqissuussaannerata pitsaanerulersinneqarnissaanut mittarfiit tapertaanissaat tullerriiarinermi aallaavigineqassasoq anguniarneqarpoq.”

(Ataatsimiititaliap erseqqissaanera)

Taaguutit nassuiaatillu siuliani atorneqartut erseqqinngitsutut kinaassusersiortutullu nalilerneqarsinnaasut ataatsimiititaliaq isumaqarpoq. Taamaattumillu taakku Naalakkersuisunut apeqquteqarnermigut ataatsimiititaliap paasinarsisinniarsimavai.

Akilersinnaassuseq pillugu Naalakkersuisoq ataatsimiititaliamut akissutimini allappoq, ”Inuiaqatigiit aningaasaqarneranni sunniuteqaatissanik naliliinermi saqqummiussinissamut ilitersuutit¹” tunngavigalugu misissueqqissaarnerit suliarineqarsimasut, uanilu suliniutit assigiinngitsut periutsit assigiit atorlugit naatsorsorneqartarpata pingaartuusoq, taakku assigiissaarneqarniassammata pingaarnersiorneqarlutillu.

Angallannikkut aaqqissuussaaneq pillugu Naalakkersuisoq ima allappoq pitsanngorsaanneri,

¹ Aningaasaqarnermut Naalakkersuisoqarfik, april 2015: Inuiaqatigiit Aningaasaqarneranni Sunniuteqaatissanik Naliliinermi

inuiaqatigiinnut aningaasaqarnermut tunngasut aamma ilaasunut kiisalu piffissamik sipaarniarneq ilanngunneqarsinnaasut.

Ataatsimiititaliamit taakkua tusaatissatut tiguneqarput.

Siuliani saqqummiunneqartut akerliannik "tulleriiaraluni sanaartorsinnaanermik" tunngavik amerlassutsinut tunnganeruvoq. Tassani erseqqissumik allassimavoq mittarfiliornerit imminnut malittumik tulleriiarlugit sananeqassasut, taamaalillunilu arlallit ataatsikkut sanaartorneqaratik. Najukkami sulisunik atuisinnaanermik salliutitsinissaq, siunnersuutip tunngavilersuutaani taaneqartoq, najukkami sulisut qaqugukkut atorneqassannginnerannik apeqquteqarnissamut tunngavissiivoq.

Timmisartoqarfiit pillugit Inatsisartut inatsisaanni nr. 12, 5. december 2008-meersumi sanaartornissamut suliniutini ataatsimut aalajangersakkani ima allassimasoqarnera ataatsimiititaliamit eqqumaffigeqquneqarpoq.

Tassani allassimavoq:

"§ 3. Suliassat § 1, imm. 1, nr. 1-imi taaneqartut piumasaqaatit makkua eqquutsinneqarsimappata aallartinneqarsinnaapput.

*1) Sanaartornermut aningaasaliissutigineqartut Inatsisartut aningaasanut inatsisaanni aningaasaliissuteqarnermut killissarititaasut piumasaqaataasullu iluanni **ernialersorneqarsinnaassapput nalikillilerneqarsinnaassallutillu.***

*2) **Timmisartoqarfiup ingerlanneqarnerani** aningaasartuutit aalajangersimasut **aningaasartaannut sinneqartoorfiusumik matussuserneqarsinnaassapput.** Ingerlatsinerup isertitaqartarnerullu pitsanngorsarneqarnissaa eqqarsaatigalugu naapertuuttumik ingerlatsisoqassaaq.*

*Imm. 2. **Timmisartoqarfinnik sanaartorneq aamma/imaluunniit ingerlatsineq tamakkiisumik ilaannaasumilluunniit pisortat aningaasartuutissaannut allanut tunuartitsippat, imaluunniit sanaartorneq isertitanik ilanngaaseriikkanik nutaanik imaluunniit annertunerusunik pilersitsiviusinnaasoq annertuumik ilimanaateqarpat aamma suliassat § 1, imm. 1, nr. 1-imi taaneqartut aallartinneqarsinnaapput.**"*

"§ 5. Timmisartoqarfinnik pioreersunik nutarnerineq, allanngortiterineq iluarsaassinerlu, tak. § 1, imm. 3, piumasaqaatit makkua eqqortinneqarsimappata aallartinneqarsinnaavoq:

*1) Sanaartornermut aningaasaliissutigineqartut Inatsisartut aningaasanut inatsisaanni aningaasaliissuteqarnermut killissarititaasut piumasaqaataasullu iluanni **ernialersorneqarsinnaassapput nalikilliliiffigineqarsinnaassallutillu.***

*2) Sanaartornermut aningaasaliissuteqarnermi **pisariaqartitatut uppersarneqarsimasut** tunngavigineqassapput, aningaasaliissutillu isertitanik ilanngaaseriikkanik **nutaanik imaluunniit annertunerusunik pilersitsiviusinnaanissaat annertuumik ilimanaateqassalluni.***

3) *Sanaartornermut aningaasaliissuteqarnermi aningaasaliissutinik isertitanik ilanngaaseriikkanik **nutaanik imaluunniit annertunerusunik pilersitsiviusinnaanissaannik niuernikkut naatsorsuutigisat tunngavilersuutigineqarsinnaapput.***

Imm. 2. Aammattaaq timmisartoqarfinnik pioreersunik nutarterineq, allanngartiterineq iluarsaassinerlu, tak. § 1, imm. 3, aallartinneqarsinnaavoq, tamanna oqartussaasut piunasaqaataasa, sillimaniarnermut piunasaqaatit imaluunniit nunat tamat akornanni isumaqatigiissutitigut piunasaqaatit, pitsaassusissat imaluunniit pisussaaffiit pisariaqalersippassuk”

*“§ 6. Timmisartoqarfinnik **nutaanik pilersitsinermi imaluunniit timmisartoqarfinnik pioreersunik nutarterinermi, allanngartiterinermi iluarsaassinermilu timmisartoqarfik angallannerup ilusaani tamakkiisumi pitsaanerusunik atorineqarluarsinnaasunngorlugu annertussusilerneqassaaq.***

Imm. 2. Aammattaaq timmisartoqarfinnut pisortanit aningaasalersorneqartunut tunngatillugu aaqiissutissap, aningaasat ikinnerpaat atorlugit annerpaamik pitsannguisussap toqqarneqarnissaa anguniarneqassaaq.

Imm. 3. Imm. 1 aamma 2 naapertorlugit aaqiissutissamik toqqaanermi silaannakkut angallassinermi maanna sullissisuusut sullissilersussatullu naatsorsuutigineqartut, taakkulu atortunik atorineqartussanik toqqaanissaat sapinngisamik eqqarsaatigineqassapput.”

(Ataatsimiititaliap erseqqissaanera)

Siunnersuummi tunngavilersuutigineqartumi allassimavoq:

“Taamaalilluni angallasseriaatsip aaqiissuussaanerata sinneranut atatillugu ersarinnerusunik suliarineqartariartut salliunneqaratik, imminut akilersinnaanerusut salliunneqarnissaat tulleriarinissami tunngavigineqassaaq. Tullinnguullugu angallasseriaatsip aaqiissuussaanerata pitsaanerulersinneqarnissaa aalajangiiffigineqarumaarpoq. Tamatuma saniatigut Kalaallit Airports A/S-ip ataani mittarfiliornikkut, imarpik qulaallugu timmisartuussinernut mittarfissat 2024-mi atulernerisigut angallasseriaatsip nutaamik aaqiissuunneqarneratigut ataatsimoortumik ingerlatsinermi aningaasartuutit appartinneqarnissaasa siunertarineqarnera tulleriarinermi eqqarsaatigineqarpoq. Tamatuma saniatigut sanaartornermi nunatsinneersunik sulisinnaasunik pisariaqartitsineq sanaartugassanut ilanngullugit eqqarsaatigineqartariaqarput.”

Siuliani allassimasut tunngavigalugit ataatsimiititaliami ikinnerussuteqartut Inuit Ataqtigiinneersoq Partii Naleqqameersorlu naliliipput Qeqertarsuarmi, Qasigiannuani,

angallannerup aaqqissuussaanerata allannguuteqarnerani piffissamut angallaviusussamut sipaagassat naatsorsorneqarsinnaapput.”

Ataatsimiititaliap paasinninnera malillugu siunissami kommunit kommuniminni mittarfiliortoqassagalarpat, kommunit illoqarfiini nunaqarfiinilu siunissami sunik neriuuteqarnerminnik saqqummiussinissat Naalakkersuisunit kissaatigineqartoq.

3. Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunnngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut.

Tamanna naapertorlugu siunnersuutip piviusunnngortinnerani aningaasatigut kingunerisassat siunnersuummi nalunaarneqartut ataatsimiititaliamit maluginiarneqarpoq. Siunnersuut namminermini aningaasaqarnikkut toqqaannartumik kinguneqanngitsoq ataatsimiititaliamit tikkuarneqassaaq, tunngavinnilli pingasunik pineqartunik atuinermi misissueqqissaarnermut pisortat aningaasartuuteqarsinnaammata, tassa siunissami suliniutaajumaartut tunngaviit takku tunngavigalugit suliarineqartussaammata.

4. Ataatsimiititaliap oqaaseqaatai inassuteqaataalu

Inatsisit atuuttut tunngavigalugit Tasiilami Ittoqqortoormiinilu mittarfiliortoqarsinnaanera periarfissaamat ataatsimiititaliap oqaatigissavaa. Mittarfiit sanaartorneqartussat kingullit tallimat pingaarnersiorneqarnissaannut ataatsimiititaliaq isummersinnaangilaq, mittarfiliornissanummi ataatsimut aalajangersakkanut taakku naammassinnissimangimmata, tak. mittarfiit pillugit inatsit.

Tamanna tunngavigalugu Tasiilami 1199 miiterisut takitigisumik asfaltilersukkamik mittarfiliornissamut suliniutit aallartisarneqarnissat tamatumalu kingorna Ittoqqortoormiini naannerpaamik 1199 miiterisut takitigisumik mittarfiliortoqarnissaanik suliniutit aallartisarneqarnissat ataatsimiititaliami amerlanerussuteqartunit Siumumeersunit, Demokraatineersunillu Naalakkersuisunut **kaammattuutigineqassaaq**.

Siuliini taaneqartutut paasinnilluni ataatsimiititaliami amerlanerussuteqartut Siumumeersut Demokraatineersullu siunnersuutip akuersissutigineqarnissaa inassutigaat.

Ataatsimiititaliami ikinnerussuteqartut Inuit Ataqaatigiinneersunit Partii Naleqqameersut siunnersuut akuerineqassasoq inassutigaat.


Tassunga atatillugu ataatsimiititaliami ikinnerussuteqartoq Partii Naleqqameersoq ikinnerussuteqarluni ima oqaaseqarumavoq:

”Aalajangiiffigisassatut siunnersuummik akuersissutiginnikkut imaanngimmat suliassaqarfimmut inatsisinik atuuttunik Naalakkersuisut malinnittussaajunnaassasut Inuit Ataqatigiinnit Partii Naleqqamillu oqaatigineqassaaq. Timmisartoqarfiit pillugit Inatsisartut inatsisaat naapertorlugu timmisartoqarfimmut aatsaat aningaasaliissuteqartoqarsinnaavoq timmisartoqarfik pineqartoq imminut akilersinnaassutsimut piumasaqaatinik arlalinnik eqquutsisisinnaappat. Mittarfiit aalajangiiffigisassatut siunnersuummi pineqartut akornanni piumasaqaatinik taakkuninnga naammassinnissinnaasutuat tassaapput Ittoqqortoormiini aamma Tasiilami mittarfiit.

Taamaalillunilu inatsisit maanna atuuttut naapertorlugit aalajangiiffigisassatut siunnersuutikkut Ittoqqortoormiini aammalu Tasiilami suliassatut pilersaarutit kisimik aallartinneqarsinnaapput. Tamanna Naalakkersuisut aalajangiiffigisassatut siunnersuukkut Inatsisartunut eqqumaffigeqqusimanngimmassuk Inuit Ataqatigiinnit Partii Naleqqamillu sakkortuumik ajuusaarnartinneqarlunilu isornartoqartinneqarpoq.

Inuit Ataqatigiit Partii Naleqqallu Ittoqqortoormiini Tasiilamilu suliassatut pilersaarutit aallartinneqartussatut isumaliutigineqartut tapersorsorpaat.”


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Justus Hansen
Siulittaasoq




Aqqaluaq B. Egede
Siulittaasup tullia



Erik Jensen



Pele Broberg



Nikkulaat Jeremiassen



Inatsisartut Sanaartornermut Ataatsimiititaliaat
/maanni

13-11-2020

Suliaq nr.: 2017 - 2529

ID nr. 58583723

**Nunap immikkoortuini mittarfinnik tulleriarinissamut tunngavissat pillugit imm.
27-p Sanaartornermut Ataatsimiititaliami suliarineqarneranut atatillugu
apeqquteqaateqarnermut akissut**

Asasara Ataatsimiititaliaq

Naalakkersuisut aalajangiiffigisassatut siunnersuutaanik pimoorussillusi
suliaqarnissinnut qjanaq.

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

Apeqquut 1. Akilersinnaassuseq:

**a. Akilersinnaassutsimik naatsorsuinermit suut nalilersuutit atorneqarsimanersut
Naalakkersuisut qinnuigineqarput nassuiaaqullugit**

Akissut: Misissueqqissaarnerni suliarineqartuni "Inuiaqatigiit aningaasaqarnerannut
kingunerisassanik misissueqqissaarnissamut ilitsersuut", 2015-imi Aningaasaqarnermut
Naalakkersuisoqarfimmit suliarineqartoq malinneqarpoq.

Aningaasaliisarnerit ataatsimut isigalugit ullumikkut aningaasartuuteqartoqartarnermi
siunissami iluaqutissanik katersuisinnaanissaq naatsorsuutigineqartarpoq. Tamatuma
nassatarisaanik piffissamut innersuussuteqartarnerit arlalinnik ajornartorsiorfiusarput.
Ilitsersuinermit ajornartorsuutit tamarmiusut qanoq iliorluni aqqinneqarnissaannut
malitassiuisoqartarpoq. Tassalu aningaasaliinermit erniat aalajangersarneqartarput
aammalu kisitsisit pingaarnert, suliaassanik naliliinermit, soorlu maanna naliusut
ilangaasereerlugit naatsorsuinermit allanneqartarput. Malitassatut toqqarneqartut
nunani tamalaani ilitsersuutitut assingusunut qanittarput, kisiannili malitassanik
assigiinnik atulersinneqarsinnaasunik nassaassaqqanngilaq.

Suliaassat assigiinngitsut malitassat ataatsit malillugit uuttorneqartarnerat, taamaalillunilu
imminnut assersuussinnaanissaat taakkulu malillugit tulleriarinissamut pingaarnepaasarpoq.

b. Nalilersuutit suut atorneqarpat?

Akissut: Misissueqqissaarnerni siunissami isertitassanut aningaasartuutissanullu
aralinnut, ernianik eqqarsaateqarfiusumik maanna naliusumik taaneqartartoq
(ullumikkut naliusooq) naatsorsorneqartarpoq. Siunissami akiliutaasartussat ernialiussaqq,
matumani ukiumut 4 %-iusooq atorlugu maanna naliusooq malillugu

naatsorsorneqartarput. Naatsorsuinermit erniat nassaarineqartut taarsigassarsinermit ernianut nalinginnaasunut paarlaanneqassanngillat.

Aningaasaliissutit imminnut akilersinnaanersut naliliiffiginialugu, aammalu aningaasaleeriaatsinut allanut assersuussiniarluni naatsorsukkat atorineqartarput.

Tunngavissanut aalajangersimasunut uku ilaatinneqarput:

- Aningaasaliinermit erniat (tak. matuma siuliani allassimasoq)
- Sanaartornermit aningaasartuutit
- Isertitat
- Ingerlatsinermit aningaasartuutit
- Kiffartuussinermit isumaqatigiissutit
- Angalasarnernut aningaasartuutinit sipaakkat
- Piffissamut angalaffiusussamut sipaakkat
- Angallannerup ineriartornissaanut naatsorsuutigisat

Malussajassutsimik misissueqqissaarnerit

Misissueqqissaarnermi isumassarsiuinerni atorineqartuni arlalinni missiliuinerit tunngavigneqarput, taamaattumillu taakku annertussusiinut atatillugu nalornissuteqartoqarpoq. Taakku tunngavigalugit periarfissatut ilusiliani allannguutitalinni malussajassutsimik misissueqqissaartoqarpoq:

- Aningaasaliinermit erniat
- Sanaartornermit aningaasartuutit
- Ilaasut amerlineri

Periarfissatut ilusiliani tamani akiliisinnaassusissamut najoqqutassiaq

Tunngavissat matuma siuliani allassimasut ataatsimoorlutik periarfissatut ilusiliani tamani immikkut akiliisinnaassutsimut missingersuutinik pilersitsiviupput.

Taamatut kattussinermit ukiumut sanaartornermit aningaasartuutissat, ingerlatsinermit aningaasartuutissat aamma ingerlatsinermit isertitassat naatsorsorneqarput. Tamanna peqqutigalugu piffissamut misissueqqissaarfiusumut tamarmiusumut ingerlatsinermit angusassatut naatsorsukkat immikkut assersuunnissaat pisariaqarpoq, ukiuni sanaartoriusuni nunap karsianut sunniutissat ersarinnerussammata paasiuminernerussammatalu.

Mittarfiup ujaraaqqanik qallikkap asfaltimut qallikkamut sanilliullugu naliliiffigineqarnerani tunngavissat:

Rambøll-ip MIT suleqatigalugu mittarfiup asfaltimik imaluunniit ujaraaqqanik qallikkamut sanilliullugu sanaartornermit aserfallatsaaliuinerimullu aningaasartuutissat, kiisalu mittarfiup masattup sersersimallunilu quasattup sunniutai naliliiffigai.

Eqqarsaatigineqartunut tunngavissat uku ilaatinneqarput:

- Ujaraaqqanik qallikkami aningaasaliissutaanerusussat
- Mittarfiup asfaltimik qallikkap ukiumoortumik aserfallatsaaliorneqartarnera
- Mittarfiup ujaraaqqanik qallikkap ukiumoortumik aserfallatsaaliorneqartarnera
- Mittarfiup ujaraaqqanik qallikkap ukiut qulikkaarlugit nutaamik qallerneqartarnera

Apeqquut 2. Angallasseriaatsip aaqqissuussaanerata pitsaanerulersinneqarnissaa

a. Angallasseriaatsip aaqqissuussaanerata pitsaanerulersinneqarnissaa qanoq paasisariaqarnersoq Naalakkersuisut qinnuigineqarput nassuiaatigeqqullugu.

Akissut: Angallasseriaatsip aaqqissuussaanerata pitsaanerulersinniarneqarnerani eqqarsaatigisat arlaqarput. Tunngaviusumik angallasseriaatsip aaqqissuussaanerani aningaasartuutit ikilisinniarneqarput pitsaanerulersitsiniartoqarlunilu. Tassani inuiaqatigiit ilaasartullu aningaasaqarneri eqqarsaatinut ilaatinneqarsinnaapput, aammalu piffissamik sipaagaqarsinnaaneq, soorlu piffissamik angallaviusumik sipaagaqarsinnaaneq eqqarsaatigineqartunut ilaatinneqarsinnaapput.

Tunngavissat taakku tamarmik angallasseriaatsip aaqqissuussaanerani bilitsit akikinnerulernissaannut, angalasartut sullissisullu piffissamik sipaagaqarsinnaanerinit kiisalu inuiaqatigiit aningaasaqarnerannut iluaqutaasinnaanerinit sunniuteqartussaapput.

3. Ineriartortitsinermi periarfissat:

Naalakkersuisut saqqummiussissutiminni ima allapput:

"Nutaamik attaveqaqatigiinnermik pilersitsiniarneq sammiveqanngitsumik ineriartortinneqassanngilaq, sumiiffinnili ataasiakkaani aningaasaqarneq, ineriartortitsinissamilu periarfissat eqqarsaatigilluinnarlugit ineriartortinneqassalluni"

a. "Ineriartortitsinermi periarfissat" pillugit suut nalilersuutit ilanngunneqarsimanersut Naalakkersuisut qinnuigineqassapput nassuiaatigeqqullugit.

Akissut: Kommunit misissueqqissaarnerni akuutinneqassasut Naalakkersuisut tungaannit kissaatigineqarsimavoq. Tassalu illoqarfinni nunaqarfinnilu ataasiakkaani ineriartortitsinissamat periarfissat kommunit namminneerlutik aalajangersaappata pitsaanerussaaq.

Tamatumanili tunngaviusumik sunniutit nikerartunik taaneqartut, inuiaqatigiit aningaasaqarnerannut kingunerisassanik naliliinermi nalinginnaasumi toqqaannartumik uuttorneqarsinnaanngitsut pineqarput. Taamatuttaaq Nuummi, Ilulissani Qaqortumilu mittarfiliortiternernut misissueqqissaarnerni aningaasaqarnikkut ineriartorsinnaaneq mittarfiit nutaat sunniutissaattut naatsorsorneqanngillat. Matumani taamaallaat pissutsit, mittarfiit nutaat kingunerisaat, taamatullu kiffartuussinermut isumaqatigiissutit, Mittarfeqarfinni ingerlatsinerup inernissaatut naatsorsuutigisat, angallattut amerlassusaat pioreersut tunngavigalugit naatsorsorneqartut, kiisalu angallannerup aaqqissuussaanerata allannguuteqarnerani piffissamat angallaviusussamat sipaagassat naatsorsorneqarsinnaapput.

Tassalu kommunini ineriartorfissatut isumaliutigineqartunit katersorneqartut taamaallaat oqaatsip "periarfissat" iluanniippoq, ineriartornissamat periarfissatut immikkut nassuiaatitaqarani. Kisiannili oqaatigineqassaaq, illoqarfinni 1990-ikkunni nunap immikkoortuini mittarfiliortiusuni amerlasuut mittarfiliortoqarnera tunngavigalugu ineriartormik misigisaqarfiusimangimmata. Tamanna illoqarfiit apuuffissatut

atuunnerunerannik, aammalu Nuummisut, Ilulissanilu Qaqortumisullu angallattut katersuuffiattut atuutinnginneranik peqquteqarsinnaavoq.

4. Kommunit ilassutaat

a. Mittarfiliortiternerit imminut akilersinnaanersut imaluunniit angallasseriaatsip aaqqissuussaanaerata pitsaanerulersinneqarnissaanut tunngassuteqartut misissueqqissaarnermi kommuninit ilanngunneqartut qanoq annertutigisumik ilaatinneqarpat, imaammat ilanngussaq 6-mi Nunap immikkoortortaanni mittarfissanut kommunit ilassutaanni ima allaqqasoq:

*"Misissueqqissaarnernut ilanngullugu Ineqarnermut Attaveqaaqatigiinnermullu Naalakkersuisup Kommune Qeqertalik, Kommuneqarfik Sermersooq aamma Kommune Kujalleq ilassuteqaqquai. Illoqarfinni pineqartumi **ineriartortitsinissami periarfissaq**, periarfissallu taassuma piviusunngortinneqarnissaanut nunap immikkoortortaanni mittarfiliortoqassappat taanna qanoq tunngavissisinnaassanersoq kommunit eqqarsaatigissagaat piumaffigineqarput"*
(Ataatsimiititaliap ersarissaanera)

Akissut: Matuma siuliani 3a-mut akissut takuuk. Matuma siuliani taaneqartutut kommunit isumassarsiuineri inuiaqatigiit aningaasaqarnernik naatsorsuinernut ilaatinneqanngillat, kisiannili ilassutit assiliamik tamarmiisumik ersersitsiniarnermut iluaqutaasinnaapput.

Inussiarnersumik inuulluaqqusillunga


Karl Frederik Danielsen